

SAAKK | PUHE 9.&10.10.2015

Unesco Maai'lm moštt -logstõk da kreäpast -šõddmõõžž 9.10. Če'vetjääu'rest di 10.10. Njeä'llmest

Unescon Maailman muisti -luettelo ja gramota -tilaisuudet 9.10. Sevettijärvellä sekä 10.10. Nellimissä

Sijddriâšldõk, nää'lvuâkksaž lää'kk da kreäpast – rää'kkesvuõttâm till'lõõvee'l meeran årra Siitajärjestelmä, tapaoikeus ja gramota – rakkautemme omaa kansaamme kohtaan

Šiõgg saa'mi ouddooumaž, šiõgg kuvddleei,

Tän saagg kee'rjte'men mie'rreem, što tõn pâ'jjke'rjjtõssân puätt "Sijddriâšldõk, nää'lvuâkksaž lää'kk da kreäpast – rää'kkesvuõttâm till'lõõvee'l meeran årra".

Hyvä kolttien luottamusmies, hyvät kuulijat,

Tätä puhetta laatiessani päädyin otsikoimaan sen nimellä "Siitajärjestelmä, tapaoikeus ja gramota – rakkautemme omaa kansaamme kohtaan".

Mij meer lij leämmaž väjldâ'ttemsuõlâst tõin aa'ššin, mii kreäpast lij, mâi'd tõt âânn se'st da mâi'd tõt mi'jjid tuõdi miârkkšââvv. Leä'p väjldâ'ttmen, mii kreäpast lij sijddriâšldõõggâst. Leä'p še väjldâ'ttmen, što måkam aa'ššid ju'n sijddriâšldõõggâst käunn'je čåuddmõõžž. Leä'p väjldâ'ttemsuõlâst nää'lvuâkksaž laa'jjineen, kåå'tt lij šõddâm ee'kkčuõ'di mie'ldd ra'vvjed mij sijddriâšldõõgg tu'mmstõktuâj.

Kansamme on ollut unohtamaisillaan, mikä gramota on, mitä se pitää sisällään ja mitä se meille todella merkitsee. Olemme unohtamaisillamme, mikä gramota on suhteessa siitajärjestelmään. Olemme unohtamaisillamme myös sen, mihin kaikkiin asioihin jo pelkästään siitajärjestelmästä löytyy ratkaisu. Olemme unohtamaisillamme tapaoikeutemme, joka on muovautunut vuosisatojen aikana ohjaamaan siitajärjestelmämme päätöksentekoa.

Tõn diõtt ko tå'lkk måtam mee'st teänab mo'štte täid aa'ššid, lij vääžnai, što leä'p noorõõttâm tä'bbe prääzkjed da kâ'dded kreäpast da tõn moštt-teâđ, koon tõt âânn se'st. Lij vääžnai, što leä'p noorõõttâm tä'bbe ââ'nned ciistâst mij sijddriâšldõõgg, koon ää'rb siidsåbbar veâlâinn juä'tkke. Lij vääžnai, što leä'p noorõõttâm tä'bbe mošttjed nää'lvuâkksaž lää'jj, koon kroota meädda pääccmõš lij vaaiktam mij õõutstõ'sse rä'mbbjee'l tuåimmâmoddân.

Koska vain harvat meistä enää muistavat nämä asiat, on tärkeää, että olemme kokoontuneet tänään juhlistamaan ja vaalimaan gramotaa ja sen sisältämää muistitietoa. On tärkeää, että olemme kokoontuneet tänään kunnioittamaan siitajärjestelmäämme, jonka perinnettä kyläkokoukset edelleen jatkavat. On tärkeää, että olemme kokoontuneet tänään muistelemaan tapaoikeutta, jonka yhtäkkinen pois jääminen on vaikuttanut yhteisöömme rampauttaen toimintakykyämme.



SAAKK | PUHE 9.&10.10.2015

Sijddriâšldõk, nää'lvuâkksaž lää'kk da kreäpast ko'lle õ'htte. Nuu'bbtää i'lla nu'bb. Kreäpast'tää sijddriâšldõk da nää'lvuâkksaž lää'kk le'jje koškkâd mij meerast še meädda. Nääi't miâlggâd kiâvi, ko tärkka seeiltum kreäpast i'llvânji ij mee'st ju'n läppjam. Siidsååbbar ij le'čče ânn'jõžääi'j seämma tuåimmjeei kreäpast'tää. Ko kiõččâp mij meer historia, lij ååskte'm, vuâstta puki jijstes se'lvv aa'šši, što leä'p da jie'llep veâl tän poodd meeran. Mee'st fe'rttai lee'd maaddârpuärrseen varjjlõs da pirrõs'tti, kuest'te'mes maai'lm suõjjõs. Tä'st lij tuõđštõssân še tõt, što kreäpast lij mäccam mååust mi'jjid ko leäi kuu'kk läppjam.

Siitajärjestelmä, tapaoikeus ja gramota kuuluvat yhteen. Ilman toista ei ole toista. Ilman gramotaa siitajärjestelmä ja tapaoikeus olisivat kuihtuneet meidänkin kansaltamme pois. Näin melkein kävikin, kun tarkoin säilytetty gramota miltei katosi. Kyläkokous ei olisi nykyisellään sama toimija ilman gramotaa. Kun katson kansamme historiaa, on uskomatonta, vastoin kaikkia todennäköisyyksiä, että olemme ja elämme vielä tässä hetkessä kansana. Meillä täytyy olla esivanhempiemme varjelus ja ympäröivän, näkymättömän maailman suojelus. Tästä on todisteena myös se, että gramota on palautunut meille oltuaan kauan kadoksissa.

Kreäpast ooccâm Unesco Maai'lm mooštai sizz lij e'pet pohttam mi'jjid kuâsttjee'jen tõn, što mee'st lie tuõttaa'ššid vuâddõõvvi vuõiggâdvuõd. Vuõiggadvuõd, kook årra õinn viõggâst. Vuõiggadvuõd, koid jeä'p leäkku ouddam meädda le'be kook jie leäkku valddum mee'st meädda. Kreäpast lij tuõdštõs. Tuõdštõs, kåå'tt lij sää'm mettkää'vest o'dinakai da kåå'tt tuõdâšt, što sä'mmla lie vaaldšam määddaid da čaa'ʒʒid ouddâl pukid. Leâ'ša kreäpast lij še tuõdštõs, kåå'tt lij maai'lmveiddsânji alggmeeraid miârkkšõõvvi seämma vââ'jj diõtt; alggmeerain lij vuõiggâdvuõtt määddeez da čaa'ʒʒeez. Määddeez da čaa'ʒʒeez, koid nuu'bb meer lie čuu't määng vuâra tuõttâm lee'd sij määdd da čää'ʒʒ.

Gramotan hakeminen Unescon Maailman muisti -kohteeksi on tuonut jälleen meille näkyväksi sen, että meillä on tosiasioihin perustuvia oikeuksia. Oikeuksia, jotka ovat yhä voimassa. Oikeuksia, joita me emme ole antaneet pois tai joita ei ole otettu meiltä pois. Gramota on todiste. Todiste, joka on saamelaisessa mittakaavassa ainutlaatuinen ja joka todistaa saamelaisten hallinneen maita ja vesiä ennen muita. Mutta gramota on myös todiste, joka on maailmanlaajuisesti alkuperäiskansoille merkittävä samasta syystä; alkuperäiskansoilla on oikeus maihinsa ja vesiinsä. Maihinsa ja vesiinsä, jotka muut kansat ovat liian usein julistaneet omikseen.

Maaddârpuärrseen lie čuä'jtam rää'kkesvuõd mij meera, ko sij lie kâddam mij vuõiggâdvuõdid määddaid da čaa'ʒʒid le'be ko sij lie teâuddam mij õõlgtõõzzid täid määddaid da čaa'ʒʒid. Maaddârpuärrseen lie nääi't suõjjääm mij pukin pââ'zzmõõzz; mij määddaid da čaa'ʒʒid. Määdd, ko'st sij lie jeällam, kåå'tt lij si'jjid jeä'ltam. Čaa'ʒʒid, koitää ij leäkku pâsttam jie'lled. Tän vääras sij lie raajjâm sijddriâšldõõgg nää'lvuâkksaž laa'jjineez di tiuddääm täid veâl kreäpstin.

Esivanhempamme ovat näyttäneet rakkauden omaa kansaamme kohtaan, kun he ovat vaalineet oikeuksiamme maihin ja vesiin tai kun he ovat täyttäneet velvollisuuksiamme näitä maita ja vesiä kohtaan. Esivanhempamme ovat näin suojelleet kaikista pyhintämme; maitamme ja vesiämme. Maata, jossa he ovat eläneet, joka on heidät elättänyt. Vesiä, joita ilman ei ole pystynyt elämään.



SAAKK | PUHE 9.&10.10.2015

Tätä varten he ovat luoneet siitajärjestelmän tapaoikeuksineen sekä täydentäneet näitä vielä gramotalla.

Mij mu'šttep veâl mij meer nää'lvuâkksaž lää'jj, koon maacctummuš vue'ssen ânn'jõž siidsååbbarriâšldõõgg le'čči vuei'tlvaž. Nää'lvuâkksaž lää'kk lij o'hjjääm sijddriâšldõõgg čåuddmõõžžines. Leäi kõõččmõõžžâst ju'n-a kue'llčaa'33i le'be ää'rb jue'kkem, reeidai le'be reä'kkõõzzi suåvtem le'be kõskkvuõđi håiddam pirrõ'tti siidid. Ååskam, što nää'lvuâkksaž lää'jj mååust maacctem vue'ssen mij õõutstõõzz da tuåimmâmnaa'lid le'čči veâl vuei'tlvaž. Maacctem le'čči mij meer pue'reei, nââneei da tõrgsmõ'tti ä'šš, mij rää'kkesvuõtt, kåå'tt till'lõõvči mij meera. Ååskam, što nää'lvuâkksaž lää'jj tobddâm da tobdstem ooudči tuåimeen nuu'bbnallšem perspektiiv kiõtt'tõõllâm vue'lnn åårrai aa'ššid. Mij meer ouddlõs tuåimmâmnää'll maaccte'či mij miõlid tõn, mii lij tuåimeen tää'rkmõs: pirrõ'tti luâđ suõjjummuš, što tõt ri'jttje'či mi'jjid veâl pue'tti ee'jj, 20 ee'jj kee'jjest le'be kooum puõlvvõõgg kee'jjest.

Meillä on muistissa vielä kansamme tapalaki, jonka palauttaminen osaksi nykyistä kyläkokousjärjestelmää olisi mahdollista. Tapalaki on ohjannut siitajärjestelmää ratkaisuissaan. Oli kyseessä sitten kalavesien tai perinnön jako, riitojen tai rikosten sovittaminen tai suhteiden hoito naapurisiitoihin. Uskon, että tapalain takaisin palauttaminen osaksi yhteisöämme ja toimintatapojamme olisi vielä mahdollista. Palauttaminen olisi kansaamme parantava, vahvistava ja voimauttava asia, rakkautemme omaa kansaamme kohtaan. Uskon, että tapalain tunnistaminen ja tunnustaminen antaisi toimiessamme toisenlaisen perspektiivin käsiteltäviin asioihin. Kansamme aiempi toimintatapa palauttaisi mieliimme sen, mikä on toimiessamme tärkeintä: ympäröivän luonnon suojeleminen, jotta se riittäisi meille vielä ensi vuonna, 20 vuoden päästä tai kolmen sukupolven päästä.

Mâi'd sijddriâšldõk, nää'lvuâkksaž lää'kk da kreäpast ânn'jõžääi'j va'sttee? Sijddriâšldõõgg mââimõs seillam očndõõttâmvue'kk lij siidsååbbar-riâšldõk. Nää'lvuâkksaž lää'jj kooska lie vuei'nnemnalla ouddmiârkkân mä'htt piârri ââ'nnem kue'llpääi'k lie juâkkõõttâm da mä'htt tän juâgg õinn ââ'nned äärvast. Kreäpast pie'lstes le'čči ânn'jõžääi'j čiõlgg suåppmõšvuõiggâdvuõtt.

Mitä siitajärjestelmä, tapaoikeus ja gramota nykyaikana vastaavat? Siitajärjestelmän viimeinen säilynyt ilmentymä on kyläkokousjärjestelmä. Tapaoikeuden pieniä jäämiä on huomattavissa esimerkiksi miten perheiden käyttämät kalapaikat ovat jakautuneet ja miten tätä jakoa yhä kunnioitetaan. Gramota puolestaan olisi nykyaikana selvää sopimusoikeutta.

Lij samai miõlkie'ssi vuei'nned, koon årra mij meer tän prosee'ss mie'ldd vuâlgg. Pâ'sttep-a mij kâ'dded tõn ää'rb da tõid vuei'ttemvuõdid, koid maaddârpuärrseen sijddriâšldõk, nää'lvuâkksaž lää'kk da kreäpast mi'jjid ta'rjjee. Jeä'rben Njeä'llem-Keväjääu'r vuu'd di Njauddâm vuu'd saa'min lij jõnn vaað tõ'st, što siidsååbbar-riâšldõk tuåimmai, oðdsmââvv va'stteed ânn'jõžääi'j tarbbsid da siirdšââvv pue'tti puõlvvõõggid. Nåkam veä'lǧǧ mee'st lij maaddârpuärrseen.

On erittäin mielenkiintoista nähdä, mihin suuntaan kansamme tämän prosessin myötä lähtee.

Pystymmekö vaalimaan sitä perintöä ja niitä mahdollisuuksia, joita esivanhempiemme
siitäjärjestelmä, tapaoikeus ja gramota meille tarjoavat. Erityisesti Nellim-Keväjärven alueen sekä
Paavvâl Taannâl Tiina – Tiina Sanila-Aikio
Sää'mte'ǧǧ – Saamelaiskäräjät
saaggjåå'ðteei – puheenjohtaja
Sajos, FIN-99870 Aanar – Inari
tiina.sanila-aikio@samediggi.fi
www.samediggi.fi



SAAKK | PUHE 9.&10.10.2015

Näätämön alueen kolttasaamelaisilla on suuri vastuu siitä, että kyläkokousjärjestelmä toimii, uudistuu vastaamaan nykyajan tarpeita ja siirtyy tuleville sukupolville. Sen olemme esivanhemmillemme velkaa.

Haa'lääm veâl looppâst spä'ssbõõššâd tän õhttvuõđâst Meersažarkiiv da Sää'markiiv tõn tuâjast, koon leä'ped mij meer ou'dde tuejjääm. Ååskam, što tät prose'ss leäi pää'cced tijtää čõõđtekani. Jeä'rben haa'lääm spä'ssbõõššâd tõn äärv u'vddmest, koon leä'ped čuä'jtam mij meer vuõiggâdvuõđid.

Haluan vielä lopuksi kiittää tässä yhteydessä Kansallisarkistoa sekä Saamelaisarkistoa siitä työstä, jonka olette kansamme hyväksi tehneet. Uskon, että tämä prosessi olisi ilman teitä jäänyt toteuttamatta. Erityisesti haluan kiittää siitä arvon antamisesta, mitä olette osoittaneet kansamme oikeuksia kohtaan.